



Na: Lider di frakshon di UPB

Atshn: Sr. B. Dirkz

Presente

Fecha: 13 yüli 2026

Tema: Reunion yamá pa UPB pa nombra diputado

Kopia: Frakshon Serberie

Apresiabel sr. Dirksz,

Despues ku UPB a informá sr. Joselito Statia ku nan no ke traha kuné mas komo diputado, ku komo konsekuensia el a retirá su mes komo tal, Gezaghèber a tuma e inisiativa pa invitá e frakshonnan di koalishon na un reunion na ofisina di Kolegio Ehekutivo.

Durante e reunion ei, MPB a indiká klaramente ku nos ta deseá pa sr. Joselito Statia bolbe asumí su funshon komo diputado. Frakshon di UPB a indiká ku nan lo duna un kontesta na nos no mas tardá ku djamars, 7 di yüli 2026.

Te ku awe, MPB no a risibí ningun reakshon di UPB, ni verbalmente ni por eskrito.

Djabièrnè último nos a konstatá pa medio di prensa ku UPB a pidi un reunion públiko di konseho insular pa dia 21 di yüli 2026 ku e punto di agenda pa instala diputado nobo.

Lamentablemente, MPB mester konkluí ku UPB no tin intenshon mas pa sigui traha den e koalishon aktual ku MPB, i ku aparentemente un koalishon nobo ya ta formá. Den e sirkunstansianan aki, no ta keda MPB nada otro ku deseá UPB tur klase di éksito den e koalishon nobo ku aparantementamente tin kaba.

Atentamente,

Hennyson Thielman

Lider di frakshon MPB